

重刊直隸邳州志

韋德懋
署

書號	
登記號	二八二二二
函冊	
冊	四



直隸州志

乾隆甲辰陽月刊成

中華民國三十三年三月翻印

直隸州志

本衙藏板

中國文化服務社陝西分社邠縣支社印

重印直隸鄧州志序

地方有志編國之有史所以載風土習尚之沿革人文政事之消長傳前歷得有所紀後世資以借鑒察往勸來見微知著明乎興廢之理知所策勉之道其由來尚矣鄧乃后稷故里太王爲治民風敦厚生祠賢樓南枕紫微北帶涇河環山抱水形勢險要爲歷代兵家所必爭值此抗戰期間地當西北要衝輜輳輻輳人物薈萃環境特殊軍政咸集文獻無微觀感莫由志之一書所繫綦重高心督政七區踰逾五載於政教敷設風氣砥礪無不勉力以赴而各縣縣志雖素所關懷第限於人財時勢重難續筆殊非咄嗟所致佳蹟湮沒不彰良可慨也鄧縣舊有孫星衍氏所修直隸鄧州志一部其範圍涵括三水(潁邑)淳化長武三縣成於清乾隆甲辰年間鼎革以後遂廢州存縣文物典章多已遞更今披此籍雖滄桑變易不無少殊而山川風俗無大異顧縣內僅有二部既不便於傳閱尤有虞夫軼亡乃商諸鄧縣縣志存德邑紳李祐周程丕儒王省吾諸君子重印若干部藉以保存史蹟宣揚文化期有裨世道人心於萬一也若夫踵前人之賜跡數今茲之故實則有俟乎來哲茲於重印付梓之初董事者丐序於予僅就觀感所及聊弁數言以爲之序

中華民國三十三年三月陝西省第七區行政督察專員趙寓心

直隸邠州志序一

兵部侍郎兼都察院副都御史巡撫陝西西安等處地方魏廷軍務兼理糧餉

欽賜一品頂戴畢沅撰

邠州志故州牧王君主修陽湖明經孫君所撰其記地理古跡仿諸太平寰宇記袁安志記人物仿諸列錄皆注所據之書予善而序之關中多三代古跡而邠尤古其始則商夏韋所至慶節所圖焉予嘗本諸書傳覽其風土而知古今合轍也邠西長武道指甘肅故爾雅謂為極言自此窮極西域極亦或言劇亦釋宮所云謂之劇南也自唐以來設鎮將長武為重防屢築長武城誠善政矣邠地晚寒未黍不熟浸水至淳化始有水利為鄭白六輔治谷諸渠所起魏王泰云其時已枯然浸水邈州境近世引為鳴玉諸渠入水邇三水引為趙家諸渠合灌田雖止百餘畝亦尚可廣其利也邠州廢渠尚有水簾鎮渠引麟遊山水又有渠引洪龍大谷河水三水有渠引西溪河水俱有灌溉之利淳化有明戶部主事所立封贈原堰今皆淤塞是或尚可復也邠故出鐵漢于此設官公劉亦有取厲取鍛之文今民或用作刀剪勝于他處則財足用也予來關中屢飭所部議案關津興修渠堰頃西安省城已請

直隸邠州志序一

一

帑修築通濟渠亦如疏導邠邑關隘水利亦當以次興舉守土之牧善體此意以行興利除弊之政則是予所望矣政事之暇又著毛詩稽古編與邠志多所發明詩稱皇潤過潤毛鄭孔不詳其地案昭仁寺碑有云投過潤而自滿今三水渠渠川名過潤是或唐以來相傳之說不為無稽也太平寰宇記真寧縣有大陵水案注水經云大陵小陵水邇寧陽城詩云夾其皇潤陵水即皇潤也今此水名支唐川亦可補詩傳之缺又尚輅之即為是為小山海經謂之若水出隴首山入涇周書作魴周禮作洵皆一水也地理志云為水出西北東入涇故初學記引水經云洵水流入涇今俗稱宜祿川而毛萇以為為水涯鄭氏以為內其說非矣若陋巷履跡坪之屬都無所本所不敢信予又嘉孫明經之為此志能別白是非以得攷古之真也故并及之

直隸邠州志序目

志凡二十五卷分部二十五初故知州王君屬星衍撰此志蓋有三屬縣已成四卷
既而三屬縣各請自為一書故此書卷一至卷四并及三縣卷五已下專志州治直
隸州志之例古無所仿若專志州治者實當稱為直隸邠州志今不可一書與名
也星衍來游關中旅閩五載所居節署雅多賢俊巡撫畢公假以暇日從容著書
自咸神農本草經注爾雅箋孫子兵法新校正文子注各九千卷其體又志三本志
及此書各以數月撰成迨于離校經傳不獲專心改核後取唐宋地志書之創義
成編重以平津愛客公燕無虛醉餘鑒次偶一綴筆恐多疏失以貽來者之訾其于
稽古似有所長竊又通曉地望雍冀梁三州名山大川指掌能言不爽毫髮見有所
及庶非牆面辨幽亭云說文邠周太王國在右扶風美陽幽美陽亭即幽也豈俗以
夜市有幽山考幽亭及國當在漢漆縣是今邠州三水之界故地理志曰邠邑有幽
鄉詩幽國公劉所都杜預曰幽在新平漆縣東北史記集解引徐廣曰新平漆縣之
東北有幽亭劉昭注郡國志漆引帝王世紀曰有幽亭括地志曰邠州新平縣即漢

直隸邠州志序目

一

漆縣詩幽國公劉所邑之地則書傳所稱寔不得在美陽也美陽今武功縣入在邠
之西南相去甚遠蓋許君因太王遷邑于此而誤地理志則曰美陽中水鄉太王所
邑是已許于邠字當云公劉國在右扶風漆向至周太王邑于美陽幽漆亭則得之
矣攷汧水云爾雅西至于邠國謂之四極說文引作汧云西極之水也从水八聲案
周書度邑解曰王乃升汾之阜以望高邑汾即汧字假音八聲據讀為邠亦為汾也
今三水分水嶺即汧水嶺汾又譌為分初學記引水經注曰邠州有汾水嶺即此也
其嶺實于午山之別麓然則今汧水即古西極之水無疑矣金史地理志又有潘水
疑亦聲相近汧汾潘皆一水也攷女郎山云太平寰宇記三水縣有女郎山案西山
經曰白於之山洛水出于其陽而東流注于渭太平御覽引水經曰白於山今名女
郎山元和郡縣志曰洛原縣白於山一名女郎山在縣北三十里太平寰宇記曰洛
縣縣白於山在縣北三十里是其山從慶陽府東南直入三水即山海經之白於山
無疑也洛水今亦遷三水又可証矣攷漆水云太平寰宇記引水經曰漆水自宜祿
界來又東過扶風漆縣北以水經驗之即邠州所理是也漢志注云漆水在縣西今

縣西九里有白土川水或恐白土是漢之漆也今鳳翔府東北一百六十里麟遊縣東南亦有一滕水非漢之漆案樂史此言實本元和郡縣志可為以是為非以昨為是矣所引水經注今本無文若如所云則誤自鄭道元也夏書言潁潁渭漆沮既從是以漆沮為從入渭則是今麟遊之漆至臨潼入渭一名石川河者是也麟遊唐普潤縣漢漆縣地故班固曰漆漆水在縣西史記正義引括地志曰漆水源出岐州為入渭未聞以入潁之水當之也攷幽國云周語祭公謀父曰我先君不窋用失其官而自竄于戎狄之間韋昭曰堯封棄於郃至不窋失官去夏而遷於郃郃西接戎北近狄也是國于郃者不窋史記周本紀曰慶節立國於幽甸叔列傳曰夏道衰而公劉失其稷官變于西戎邑于幽是以為慶節又為公劉一書互異地理志曰栒邑有幽鄉公劉所都是同史記列傳以理斷之祭公言最古不窋國于幽說為長也攷師曠家云郡國志漆劉昭引皇覽曰有師曠冢名師曠山太平御覽引皇覽曰師曠冢在右扶風名曰師曠山民人不敢上其山今志無此冢及山惟州東十里有司空甲辰冬十月二十一日陽湖孫星衍自序

直隸郃州志序目

二

卷第一 州縣一

卷第二 州縣故治今治二

卷第三 山屬三

卷第四 水屬四 水利附

卷第五 鄉屬五

卷第六 國六

卷第七 署屬七

卷第八 儒學八

卷第九 廟屬九

卷第十 墓十

卷第十一 古跡十一

卷第十二 恩澤十二五行十三

卷第十三 大事十四

卷第十四 官屬十五上

卷第十五 官屬十五下

卷第十六 地丁錢糧十六

卷第十七 經費十七

卷第十八 兵十八驛十九

卷第十九 名人二十上

卷第二十 名人二十下

卷第二十一 節婦二十一

卷第二十二 科第表二十二

卷第二十三 風俗土產二十三

卷第二十四 石刻著述題詠二十四

直隸鄆州志序目

三

卷第二十五 序錄二十五

圖附

宣
州
志
卷
之
一
分
鄉


邳州志

疆域圖

浮州界

靈臺縣

解 答



齊遼縣界

永壽縣界

太峪鎮

白店原

履跡坪

城州

淳化縣

涇陽縣界

張空鎮

水北鋪

三水縣

真寧縣界


羅定縣界

邠州志圖

二

州城圖

教場



社稷壇

郡厲壇

台養濟院

兵巡道


通判

典史

周太王祠

姜嫄祠

風雲雷雨山川



州署圖

州判署

東公廨

邠州志圖

三

書房


庫牧

文戶禮

儀

道





兵備道署圖



書房

吏廨



后宅



儀門



大門



射圃

邠州志圖

五


邵縣全圖

甘肅南

甘肅正

圖例

□ 縣政府
 ○ 鄉公所
 ○ 村公所
 〃 公路
 〃 支路
 〃 縣界
 〃 鄉界
 〃 河界
 〃 流界



此圖係民國三十三年翻印時繪據以供參考

邵 縣 城 一 覽 圖

縣城緊逼於河之陰，地勢窪下，四環高山，狂風不時大作，氣候寒暑無常，城內學校尚佈，機關林立，觀其狀，乃一小繁華之城市也，茲繪縣城圖於左：




圖 例						
河	城	橋	水	空	道	山
流	牆	樑	道	地	路	岩

1:10000

直隸邠州志卷第一

知州王朝爵主修

陽湖孫星衍撰

州縣一

邠州後魏廢帝置其州屬唐虞夏雍州之域

商幽國

毛詩有幽風又云篤公劉幽居允荒又云于幽斯館涉渭為亂夾其皇澗邇其過澗止旅適密芮鞠之即 爾雅釋地云西至於邠國謂之四極 列子湯問篇云

夏革曰朕西行至邠人民猶是以是知四極之不異 孟子云昔者太王居邠狄

人侵之 史記周本紀云公劉卒子慶節立國於幽 地理志云右扶風栒邑

有邠鄉詩幽國公劉所都 說文解字云邠周太王國在右扶風美陽从邑分聲

幽美陽亭即幽也民俗以夜市有幽山从山从絲關又云汭西極之水也从水八聲

爾雅曰西至汭國謂四極 鄭元詩譜云幽者公劉自邠而出所徙戎狄之地名

初學記云幽州昔公劉所居也 括地志云幽州新平縣即漢漆縣詩幽國公

直隸邠州志卷第一

一

劉所邑之地也見史記正義 元和郡縣志云幽周之先公劉所居之地周本紀

曰至公劉修后稷之業乃國于幽 按本紀云于慶節 徐廣云新平漆縣東北有幽亭

是也按幽國城在今州理東北三十九里三水縣界古幽城是也 太平寰宇記

云邠州古西戎之地本周公劉所居 按陝西通志據路史云有夏漆國防風氏

之姓攷路史所載謬誤書傳少見今所不取

或曰顓頊之虛

晉書摯堅載記云新平王彤上疏曰臣從京兆劉湛學明於圖記謂臣曰新平地古

顓頊之虛里名曰雞岡 太平寰宇記云邠州古顓頊之虛

周屬秦

地理志云故秦地詩風兼幽兩國 元和郡縣志云邠州自周東遷其地屬秦

秦為內史地

元和郡縣志云秦并天下分三十六郡屬內史

漢為右扶風及左馮翊上郡北地安定五郡地

地理志漆胡邑屬右扶風雲陽屬左馮翊淺水屬上郡鵠鴈屬北地郡爰得屬安定郡
元和郡縣志云邠州漢屬右扶風今州理即漢右扶風之漆縣也 太平

寰宇記云邠州漢為右扶風北地安定三郡地 按樂史云有安定者以三水漢

安定縣名其實三水治屬今甘肅故章懷太子賢後漢書注云三水故城在今涇州
安定縣南是也若今三水乃漢之胡邑耳 又按李吉甫樂史云邠州漢屬不及

左馮翊地者以其時無雲陽縣今則有淳化是其地也

後漢為右扶風及左馮翊安定三郡地

郡國志胡邑漆屬右扶風雲陽屬左馮翊鵠鴈屬安定郡

興平元年始置新平郡領縣二曰漆曰鵠鴈屬涼州刺史

後漢書獻帝紀云興平元年十二月分安定扶風為新平郡袁山松書曰興平元年
分安定鵠鴈右扶風之漆置新平郡見劉昭注郡國志涼州刺史部郡下 地形

志云新平郡後漢獻帝建安中置 按魏收云建安中置者誤

魏晉因之晉領縣二曰漆曰汾邑屬雍州刺史今屬又得扶風北地二郡地

直隸邠州志卷第一

二

太平寰宇記云歷魏晉同之 晉書地理志新平郡統縣二漆汾邑又池陽屬扶

風鵠鴈屬北地 太平寰宇記云晉武帝分漆縣置醴邑縣

姚萇之世郡縣俱廢

元和郡縣志云邠州及姚萇之亂北地郡縣並無理所 太平寰宇記云郡縣俱廢

後魏又置新平郡領縣四今屬又得北地隨平二郡地

地形志新平郡領縣四白土地今爰得今不三水今屬高平今不雲陽屬北地鵠鴈屬東

隨平隨平隋書地理志作趙平 元和郡縣志云邠州後魏又置郡焉

大統十四年曰南邠州

元和郡縣志云幽州文帝大統十四年于今置理南幽州 太平寰宇記云後魏

大統十四年分涇州之新平縣置南幽州以北別有幽北為南

廢帝三年曰幽州今屬又得恒州涇州趙平郡地

隋書地理志云北地郡新平西魏置幽州 元和郡縣志云廢帝除南字 太

平寰宇記云廢帝三年廢北幽州北遂去南字 隋書地理志云三水的魏置恒

州尋廢鵠脈舊置趙平郡後周廢郡

元和郡縣志云宜祿縣廢帝隸涇州

周因之今屬又得雲陽郡地

太平寰宇記云後周因之

隋書地理志云雲陽後周置雲陽郡開皇初郡廢

隋大業二年省入寧州其年又改寧州為幽州

隋書地理志云大業初州廢

元和郡縣志云大業二年省入寧州

太平寰

宇記云大業二年省幽州以縣屬寧州又改寧州為幽州

三年改曰北地郡今屬又得京兆安定郡地

隋書地理志新平三水屬北地郡入雲陽屬京兆郡鵠脈屬安定郡

元和郡縣

志缺載

太平寰宇記云三年改幽州為北地郡

義寧二年復曰新平郡領縣二曰新平曰三水

元和郡縣志云義寧二年復為新平郡

舊唐書地理志云義寧二年割北地郡

之新平三水二縣置新平郡

太平寰宇記云以其地屬安定北地二郡至義寧

二年割北地之新平三水二縣置新平郡復後漢舊名

直隸邠州志卷第一

三

唐武德元年改為幽州

元和郡縣志云新平郡武德元年復為幽州

舊唐書地理志云武德元年改為

邠州

二年分新平置永壽縣領縣三今屬又得泉州地

元和郡縣志云武德二年分新平縣南界于今理北三十里永壽原西分置永壽縣

又云三年於石門縣置泉州領石門溫秀二縣貞觀元年廢泉州

貞觀二年分新平又置宜祿縣領縣四

元和郡縣志云貞觀二年分新平又置宜祿縣後魏舊名也

神龍元年割永壽屬雍州領縣三景龍元年復屬仍領縣四

舊唐書地理志云永壽神龍三年改屬雍州景龍元年復屬邠州

開元十三年改字曰邠

元和郡縣志云開元十三年以邠與幽字相涉詔曰魚魯變文判并誤聽欲求辨焉

必也正名改為邠字

唐會要云開元十三年二月二十二日改幽字為邠